


Čovjek kojem se ostvario san



Pana Slavomíra Gogu Bosna i Hercegovina je još davno počela privlačiti. Njegov je dodiplomski rad bio o ratu, a diplomski 2004.g. već nešto širi. „Pisao sam o zemlji u kojoj nisam bio“ kaže Slavomír. No, to se promijenilo već 2005.g. kada prvi put dolazi u Bosnu i Hercegovinu i od tada tu boravi svake godine po sedmicu dana.

Javio se na konkurs za upražnjeno mjesto u Ambasadi Republike Češke, i tako je od 2010.g. u Sarajevu. Prve dvije godine se bavio politikom i razvojnom suradnjom, da bi od 2012.g. bio zadužen za kulturnu suradnju i sunarodnjake. Od tada ga znaju članovi čeških udruženja, ali i mnogi drugi u Sarajevu, za koje je on bio i ostao „ naš Slavek “.

A tko je ovaj mladi čovjek koji je osvojio srca svih s kojima se sretao i družio?

Zamjenik ambasadora i savjetnik za politiku, medije i kulturu u Ambasadi Republike Češke Slavomír Goga rođen je 16.01.1980.g. u Nitri koja je danas u Republici Slovačkoj, ali se već 1981.g. s majkom preselio u Prag. Tu je završio osnovnu i srednju školu. Na Ekonomskom univerzitetu u Pragu specijalizirao je Međunarodne odnose i diplomatiju. Nakon završetka studija 2004.g. kratko predaje na Univerzitetu da bi 2006.g. prešao u Institut za međunarodne odnose gdje radi na istraživačkim poslovima do decembra 2007.g. Od januara 2008.g. do danas zaposlen je u Ministarstvu vanjskih poslova Republike Češke. U Pragu je radio do 2010.g. kada odlazi u Sarajevo.

Sada kada su iza njega četiri godine provedene u Bosni i Hercegovini on kaže što se više njome bavi, vidi da je nemoguće sve saznati, shvatiti, ali osnovni pristup je isti: suživot svih ljudi bez obzira na vjeru i naciju.

Sviđa mu se prelijepa priroda, planine, rijeke, doline, ljudi – srdačni i emotivni. Privlači ga njihova neposrednost i gostoprimljivost. Još se 2005.g. napio vode sa Baščaršije. Vrijeme provedeno ovdje jako je brzo prošlo. Svoju je misiju produžio u Uredu specijalnog predstavnika europske Unije za Brčko-distrikt.





otvoreni i uz malo truda bi se mogli graditi mostovi i smanjiti strah.“

Slavomír Goga je zahvalan krajanima u Bosni i Hercegovini što su ga lijepo primili i omogućili da se ovdje osjeća kao kod kuće. On kaže: „ Želim im sve najbolje, puno snage i

entuzijazma za dalji rad u okviru udruženja. Oni su čuvari zajedničkog blaga. Iznenadilo me koliko toga povezuje Bosnu i Hercegovinu i Češku. Postoji sedam udruženja, a četiri izdaju časopise. Trebalo bi uraditi nešto zajednički, povezati udruženja i omogućiti rad mladima bez obzira na naciju.“

Svojom glavnom porukom smatra: „Neka ljudi ne odustaju da dođe do promjena u Bosni i Hercegovini. Svi ljudi dobre volje trebaju pokrenuti nešto iznutra i biti ustrajni, ne odustajati. Na kraju će uspjeti. Moja je baka znala reći: Pomozite si, pa će vam i Bog pomoći.

Česi povezuju sve tri konstitutivne cigle, nepristrasni su i zato važni u tom procesu.“

Slavek se 30.06.2014.g. službeno oprostio od suradnika i prijatelja u rezidenciji ambasadora radi odlaska na novu dužnost u timu Specijalnog predstavnika Europske Unije za Brčko. O njegovoj vezanosti za zemlju u kojoj je službovao i njene ljude svjedoči lapsus u oproštajnom govoru kada je rekao da u Bosni i Hercegovini ostaje još 12 godina, umjesto 12 mjeseci.



Vjerovatno će ga i neki novi angažmani dovesti u zemlju koju toliko voli, ali je sigurno da će sklopljena prijateljstva ostati trajna. Jedna od potvrda toga je jednoglasna odluka Upravnog odbora da pana Slavomíra Gogu proglasi počasnim članom „ Česke besede “ Sarajevo.

Leona Sabolek